

Stari most u osmanskim dokumentima

Povodom 23.7.2010 - 400. godišnjice obnove Starog mosta, Muzej Hercegovine je izdao publikaciju pod nazivom "Stari most u osmanskim dokumentima".

Ovaj projekat je plod saradnje Muzeja Hercegovine Mostar sa profesorom Istambulskog univerziteta dr. Idrisom Bostanom i konzulatom Republike Turske u Mostaru. Predstavljeno je 19 dokumenta u printanoj obradi (dimenzija 85 cm x 55 cm, u trojezičnoj obradi: engleski, bosanski i turski). Originalni dokumenti se nalaze u Arhivu Predsjedništva vlade u Istanbulu i odnose se na period od 16. do 19. stoljeća. Dokumenti govore o periodu izgradnje Starog mosta, vremenu nakon izgradnje, prilikom opravki, imenovanja službenika na mostu i većina ih nije bila dostupna široj javnosti. Uviđajući važnost ovakve vrste arhivske građe Muzej Hercegovine Mostar je priredio katalog o navedenim dokumentima sa ciljem upoznavanja najšire javnosti sa historijatom Starog mosta u Mostaru. Iz tehničkih razloga nismo bili u mogućnosti realizovati ovaj katalog uz izložbu. Sa jednom ovakvom publikacijom Muzej ojačava izdavačku djelatnost njegovog historijskog odjeljenja i odjela "Muzej Stari most". Katalog predstavlja preslikanu građu izložbe u manjem formatu, a izlazi iz tiskane forme da se obilježi 400. godišnjica od obnove Starog mosta (23.07.2010. godine). Katalog je koncipiran sa hronološki poredanim dokumentima obogaćen sa fotoarhivskom građom Starog mosta u Mostaru. Muzej Hercegovine - Mostar, 2010. godine